



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԷԿՈՆՈՄԻԿԱՅԻ ՆԱԽԱՐԱՐ  
Հ Ր Ա Մ Ա Ն

ք. Երևան

«02» 08 2023թ № 1389-Ա

ՆԵՐՔԻՆ ԵՎ ԱՐՏԱՔԻՆ ԱԶԴԱՐԱՐՄԱՆ ԴԵՊՔՈՒՄ ՀԱՂՈՐԴՈՒՄՆԵՐԻ ՀԱՇՎԱՌՄԱՆ  
ԵՎ ԶԵՎԱԿԵՐՊՄԱՆ ՊԱՏԱՍԽԱՆԱՏՈՒ ԱՆՁ ՆՇԱՆԱԿԵԼՈՒ, ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ԶԱՐԳԱՅՄԱՆ ԵՎ ՆԵՐԴՐՈՒՄՆԵՐԻ ՆԱԽԱՐԱՐԻ  
2018 ԹՎԱԿԱՆԻ ՄԱՅԻՍԻ 7-Ի N301-Ա ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐԻ 2018 ԹՎԱԿԱՆԻ ՀՈՒՆԻՍԻ 19-Ի N120-Ա  
ՀՐԱՄԱՆՆԵՐՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Ազդարարման համակարգի մասին» օրենքի 5-րդ հոդվածով,  
«Նորմատիվ իրավական ակտերի մասին» օրենքի 37-րդ հոդվածի 1-ին մասով, Հայաստանի  
Հանրապետության կառավարության 2018 թվականի մարտի 15-ի N272-Ն որոշմամբ,  
Հայաստանի Հանրապետության վարչապետի 2019 թվականի հունիսի 1-ի N658-Լ որոշմամբ  
հաստատված հավելվածի 18-րդ կետի 21-րդ ենթակետով.

**հ Ր ա մ ա յ ու մ ե մ.**

1. Ներքին և արտաքին ազդարարման դեպքում հաղորդումների հաշվառման և  
ձևակերպման պատասխանատու անձ նշանակել Էկոնոմիկայի նախարարության

զորահավաքային նախապատրաստության և քաղաքացիական պաշտպանության բաժնի ավագ մասնագետ Լիլիթ Հարությունյանին:

2. Զբոսաշրջության կոմիտեի նախագահին՝ սույն հրամանն ուժի մեջ մտնելուց հետո 3-օրյա ժամկետում նշանակել ներքին և արտաքին ազդարարման դեպքում հաղորդումների հաշվառման և ձևակերպման պատասխանատու անձ:

3. Էկոնոմիկայի նախարարության լրատվության և հասարակայնության հետ կապերի վարչությանը՝ ապահովել սույն հրամանի տեղադրումը Նախարարության պաշտոնական կայքէջում:

4. Ուժը կորցրած ճանաչել Հայաստանի Հանրապետության տնտեսական զարգացման և ներդրումների նախարարի 2018 թվականի մայիսի 7-ի «ՀՀ տնտեսական զարգացման և ներդրումների նախարարության աշխատակազմում ներքին և արտաքին ազդարարման դեպքում հաղորդումներին ընթացք տալու համար լիազոր անձ և պատասխանատու ստորաբաժանում սահմանելու, ինչպես նաև հաղորդումների հաշվառման ձևակերպման և ազդարարին տրվող պաշտպանության միջոցների իրականացման կարգը հաստատելու մասին» N301-Ա և Հայաստանի Հանրապետության գյուղատնտեսության նախարարի 2018 թվականի հունիսի 19-ի «Ներքին և արտաքին ազդարարման դեպքում հաղորդումներին ընթացք տալու համար պատասխանատու անձ նշանակելու, ներքին և արտաքին ազդարարման դեպքում հաղորդումների հաշվառման, ձևակերպման, ինչպես նաև ազդարարին տրվող պաշտպանության միջոցների իրականացման կարգը հաստատելու մասին» N120-Ա հրամանները:

ՎԱՀԱՆ ՔԵՐՈԲՅԱՆ

8/2/2023

X 

ՎԱՀԱՆ ՔԵՐՈԲՅԱՆ

Signed by: KEROBYAN VAHAN 1110760124



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ  
ԶԲՈՍԱՇՐՋՈՒԹՅԱՆ ԿՈՄԻՏԵԻ ՆԱԽԱԳԱՀ  
Հ Ր Ա Մ Ա Ն**

**ք. Երևան**

«\_07\_» \_\_\_08\_\_\_2023թ N°\_16-Ա\_\_\_

**ՆԵՐՔԻՆ ԵՎ ԱՐՏԱՔԻՆ ԱԶԴԱՐԱՐՄԱՆ ԴԵՊՔՈՒՄ ՀԱՂՈՐԴՈՒՄՆԵՐԻ  
ՀԱՇՎԱԴՄԱՆ ԵՎ ԶԵՎԱԿԵՐՊՄԱՆ ՊԱՏԱՍԽԱՆԱՏՈՒ ԱՆՁ ՆՇԱՆԱԿԵԼՈՒ ՄԱՍԻՆ**

Ղեկավարվելով «Ազդարարման համակարգի մասին» օրենքի 5-րդ հոդվածով, Հայաստանի Հանրապետության կառավարության 2018 թվականի մարտի 15-ի N272-Ն որոշմամբ, Հայաստանի Հանրապետության տնտեսական զարգացման և ներդրումների նախարարի 2018 թվականի հունիսի 11-ի N404-Լ հրամանով հաստատված հավելվածի 23-րդ կետի 15-րդ ենթակետով և հիմք ընդունելով Հայաստանի Հանրապետության էկոնոմիկայի նախարարի 2023 թվականի օգոստոսի 2-ի N 1389-Ա հրամանի 2-րդ կետը՝

**հ ր ա մ ա յ ու մ ե մ.**

1. Ներքին և արտաքին ազդարարման դեպքում հաղորդումների հաշվառման և ձևակերպման պատասխանատու անձ նշանակել էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության գլխավոր մասնագետի պաշտոնակատար Շաքե Հովսեփյանին:

2. Էկոնոմիկայի նախարարության լրատվության և հասարակայնության հետ կապերի վարչությանը՝ ապահովել սույն հրամանի տեղադրումը Նախարարության պաշտոնական կայքէջում:

ՍԻՍԻԱՆ ՊՕՂՈՍԵԱՆ